



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

V. De lectione sanctarum Scripturarum.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

meliore instrui, quàm tuas ad inventiones sequi.

Bona vita facit hominem sapientem secundùm Deum, & expertum in multis.

Quantò quis in se fuerit humilior, & Deo subjectior: tantò in omnibus erit sapientior, & pacatior.

C A P U T V.

De lectione Sanctarum Scripturarum.

1. **V**ERITAS est in Scripturis sanctis quærenda, non eloquentia.

Omnis Scriptura sacra eo spiritu debet legi, quo facta est.

Quærere potiùs debemus utilitatem in scripturis, quàm subtilitatem sermonis.

Ita libenter devotos & simplices libros legere debemus, sicut altos & profundos.

Non te offendat auctoritas scribentis utrum parvæ vel magnæ literaturæ fuerit; sed amor puræ veri-

veritatis te trahat ad legendum.

Non quæras, quis hoc dixerit ; sed quid dicatur attende.

2. Homines transeunt , sed veritas Domini manet in æternum.

Sine personarum acceptione , variis modis loquitur nobis Deus.

Curiositas nostra sæpè nos impedit in lectione Scripturarum , cum volumus intelligere & discutere, ubi simpliciter esset transeundum.

Si vis profectum haurire, lege humiliter , simpliciter, & fideliter : nec unquam velis habere nomen scientiæ.

Interroga libenter , & audi tacens verba Sanctorum ; nec displiceant tibi parabolæ seniorum : sine causa enim non proferuntur.

C A P U T VI.

De inordinatis affectionibus.

I. **Q**UANDOCUNQUE homo aliquid inordinatè appetit, statim in se fit inquietus.

Superbus & avarus nunquam quiescunt.